



Justus Hansen
Inatsisartuni ilaasortaq, Demokraatit
/Maani

Tasiilami mittarfik pillugu § 37 naapertorlugu apequteqaat nr. 2017-101-imut akissut

Brevdato: 07-03-2017
Sags nr.: 2017 - 4467
Dok. nr. 17679463

Asasara Justus,

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqutinnut, Inatsisartut suleriaasianni § 37 naapertorlugu nassiussannut qujanaq.

Apeqqut 1.

Tasiilami timmisartunut sulusalinnut mittarfiliornissamut atatillugu misissueqqaarnerit sumut killippat tassunga atatillugu tusarusuppara silasiorfinnik ikkussu-ineq aamma sumut killissimanersoq?

Akissut:

2016-ip ingerlanerani misissueqqissaarnernik pilersaarusiornernillu piareersaataasunik annertuunik suliaqartoqarpoq. Suliassamut inissiiviusinnaasut arlallit misissuiffiqineqarput. Ilaatigut inissiiffiusinnaasut suliarineqartut timmisartumiit assilinqarput, aammalu mikkiartortarnermut tunngasut pillugit nalunaarusiortoqarpoq, kiisalu immiutissanut aq-quisinissanullu tunngasunik naatsorsuisoqarluni.

2017-imi nunap teknikkimut tunngasortaanik misissuisoqarnissaa pilersaarutiqineqarpoq, aammalu ASN-imut tunngasut Namminiilivinnermut, Pinngortitamut, Avatangiisinut Nunalerinnermullu Naalakkersuisoqarfik suleqatigalugu aallartinneqarput.

Mittarfeqarfiit aamma Angallannermut, Ineqarnermut Illuuteqarnermullu Aqutsisoqarfik suleqatigiillutik Tasiilami qulimiguulinnut mittarfiup eqqaani silasiorfik pioreersoq naammattumik ungasissuseqarnerisq, aammalu ICAO-imi maleruagassat atuuttut naapertorlugit misissueqqaarnermut sila pillugu paasissutissanik pissarsiviusinnaanersoq naliliiffigaat. Taamaattumik maanna Tasiilami silasiorfimmik allamik ikkussinisaq pisariaqartineqanngitsoq inaarutaasumik aalajangiiffiqineqarpoq. Tamanna suliamut iluaqutaavoq, silasiorfimmit oqaluttuarisaanermi paasissutissat paasissutissanut tunngaviusut ilaattut atornerqarsinnaammata.

Apeqqut 2.

Naalakkersuisut qaqugu misissueqqaarnerit naammassiumaartut naatsorsuuti-gaat?

Akissut:

Misissueqqaarnerit 2017-ip aamma 2018-ip ingerlanerani suliarineqarnissaat naatsorsuutiqineqarpoq. Pissutsinik naatsorsuutigeriinngisanik, suliamik kinguartortitsisinnasunik pisoqarnissaa sillimaffiqineqarpoq.

Apeqqut 3.

Suna pissutaava Tasiilami mittarfiliornissap Kalaallit Airport A/S-p ataani Naalakkersuisut suliaakkiissutaannut ilaannginneranut?

Akissut:

Aktianik piginneqatigiiffiup pilersinneqarnerani mittarfiliortiternissamut suliat assigiinngitsut assigiinngitsunik killiffeqarput. Tassani Nuummi, Ilulissani Qaqortumilu suliaassanut najoqqutassat amerlangaatsiartut piareersimasut naliliisoqarpoq. Kisiannili Tasiilami Ittoqqortoormiinilu suliaassat misissuiffigineqanngingajassimapput. Taamaalillunilu Nuummi, Ilulissani Qaqortumilu suliaassat ingerlatseqatigiiffimmut ataatsimut ataatsimoortinnerisigut maanna pissusiusunut paasissutissanik suliallu ataatsimut sunniutaannik pissarisosqarsinnaasoq naliliisoqarpoq.

Apeqqu 4.

Naalakkersuisut 2018-mut Aningaasanut Inatsisissamut atatillugu makku immikkut aningaasaliiffigisinnaavaat:

- Unnuakkut ikumasartussanik qullernik ikkussuinissamut kiisalu Tasiilami Heliportip immikkut sulisoqartalernissaanut, isumannaarumallugu ilaasut aamma takornariat Kulusummiik Tasiilamut sukkanerusumik tikittalersinnaanissaat.

Akissut:

Apeqqu 4 aamma 5 matuma kinguliani ataatsimoortillugit akineqarput.

Apeqqu 5.

Tasiilami Heliportimi unnuakkut ikumasartussanik qullilersuinissaq Naalakkersuisut qanormita akeqassagatippaat aamma tamatuma kingorna ukiumut ingerlatsinermut aningaasartuutit qanoq annertutigilissanersut Naalakkersuisut nalilerneqarpat?

Akissut:

Apeqqu 4 aamma 5 matuma kinguliani ataatsimoortillugit akineqarput:

Apeqqu 4-p aamma 5-ip akinissaannut Mittarfeqarfiit paasissutissanik piniarfigineqarput.


Mittarfeqarfiit ilisimatitsippat, Tasiilami qulimiguulimmut mittarfimmi pioreersumi qullernik akuerisanik ikkussuinissaq 150.000 koruunit missaannik akeqassasoq. Matumani c-overslagi missiliuinnagaq nalornissuteqarfiusoq pineqarpoq. Tamatuma saniatigut ukiumut ingerlatsinermut aningaasartuutissat 10.000 koruunit inorlugit amerlassuseqartussat missiliorneqarput.

Maanna ammasarfiusumi sulisut ilaneqassappata, qulimiguulimmut mittarfiup ammarneqarnissaanut akiliutit aqcutigalugit aningaasalersuisoqassaaq. Piffissaq qulimiguulimmut mittarfiup ammaffigisartagaa ilaneqassappat, qaangiuttoornernut akiliutissanik sulisunilluunniit amerlanerusunik saniatigut pisariaqartitsisoqassaaq, tamatumunngalu piffissap ammaffiusartup sivitsorneqarnerata annertussusissaa apeqquataassaaq.

Ikkussukat taamaattut Mittarfeqarfiit ingerlanneqarnerisa iluanni akilerneqarsinnaasapput akilerneqartussaallutillu. Aamma taamatut aningaasaliinissamik pisariaqartitsineq Mittarfeqarfinnit naliliiffigineqartussaassaaq. Aningaasaliissutissat amerlassusissaat, tamatumalu kingunerisaanik ingerlatsinermut aningaasartuutissat pisariaqartitsineq paasineqartoq aningaasaliissutaasullu matuniarlugit isertitat amerlissutissaat tunngavigalugit naliliiffigineqartussaassapput. Isertitassat aningaasartuutissanut matusissutaanissaat naatsorsuutigineqanngilaq, taamaattumillu atortulersuutit taamaattut Mittarfeqarfiit ingerlatsinermut aningaasartuutaannut artukkiisussaapput.

Aningaasanut inatsimmi atortulersuinissamut aningaasanik immikkoortitsisoqarsimanngilaq.

Inussiarnersumik inuulluaqqusillunga

A handwritten signature in blue ink, consisting of several loops and strokes, positioned over the text 'Mute B. Egede'.

Mute B. Egede